

Tik Somaonw!



Amazing Facts
Study Guide

18



Nwng

jiraigrani beltkou haiftakadw! Nwng da Baibelni boini krui gwlaosin somni bhobisot banikou dihunnw thangasenw dong – be bwswna Jisuni gibi fwinaï arw Bini twinaini somkou sigangnw bungrw kadwngmwn. Study Guide 16, ao nwng swlwngbai je Jisu fwifinnaini sigang lswrnifrai gwnangtar radab dong jaïkou songsara kwnasong nanggw. Be radabni gibi kondoo gaswibw songsarni mansifwrkou lswrkou kulumnw arw Bikou baknainw lingdwng, manwna Bini bisarni soma sofwibai

(Nujahojanai 14:7). Daniel 8 arw 9 balabfrao, lswra be bisarni

jagajennaïkou fwrmaidwng, bijwng lwgwse Kristoanw Basaigiri bini nabini gwra fwrmarkoubw beao fwrmainai jadwng. Benikainw, Sastwrao bekou nagarnanwi gubuna be badi gwnangtarsin nabini bungnai batra gwia, theubw ese lo mansifra bekou mitiw! Makasefra bekou fura gwrwntiywi bujiw. Be Study Guidekou jagajennaini sigang onnanwi Daniel 8 arw 9 balabfwrkou forairgrwdw, arw aros kalamdw jen lswrni jiua be gwmwtaw Study Guidekou bujinaïao dwiden langnai.

1

Dwrswnao, Daniel-a mendani mwnnwi gongfwrkou swnap, sa, arw kwla-ha soulangnai nudwng arw lwgwmwnnai gaswibw junarfwrkou derha langdwngmwn (Daniel 8:3, 4). Mendani nerswna swrkou fwrmaiw?

“Gongnwi gong gwnang je mendakou nwngw nudwng, be gongfwrkou dintinaini manea jabai Media ar Persiani rajafwr” (Daniel 8:20).

Finnai: Mendani nerswna sigangni Media ar Persia rajjwkou fwrmaiw, jaïkou (Daniel 7:5) ao Mufur-koubw fwrmainai jadwng (Study Guide 15 kou naidw). Daniel arw Nujahwanai Baibelni bijabfra “gole gole bungfinnai arw fehernai”-ni, nemkantikou layw, beni mane sigangni balabfrao hwnai nabini bungnai batrafwrkou arwbao bungfinnanwi feherw. Be nemkantijwng Baibelni nabini bungnai raofwrkou rwkha rwkha tarwi bujiw.



Mendaya Media-Persiakou fwrmaiYW.

2

Daniel-a ma gwmwtao junarkou nubaow?

“Ar dari gwnang bwrma fantaya jabai, Grikni raja; ar mogon farnwi gwnang geder gonga jabai, sigangni raja. Ar be gonga bainanwi bini bodol gubun gongfwr rojonaini manea jabai, be jatinfrai mwnbrwi rajjwfw jakanggwn, antai bijwng soman bwlwgra janai nonga” (Daniel 8:21, 22).

Finnai: Beni unao Danielni dwrswnao, bwrma fantani koroao mwnse geder gong nujafwibai, bi gonga gwkrwitarwi daobaidwngmwn. Biw mendakou saglwbnaonwi derhadwngmwn. Beni unao be geder gonga baifledwng arw bini jaigayao mwnbrwi gongfwr ujikangdwng. Bwrma fantaya Grikni tamti rajjwkou fwrmaiwi, arw geder gonga Maha Raja Alexanderkou fwrmaiwi. Geder gongni jaigayao je mwnbrwi gongfwr ujikangdwng, be Alexanderni hadorma baiflenaini unao mwnbrwi hadorfwr ujikangnaikou fwrmaiwi. **(Daniel 7:6)** ao, be mwnbrwi rajjwfwrkou mwnbrwi koro gwnang lokra junarjwng rujunai jayw, beni nerswna Grik hadorbw. Jariminao altuywi sinainw takwi be nerswnfra wrwibadi gwrwblaiw.



*Bwrmay
Grikkou
fwrmaiwi.*

3

(Daniel 8:8, 9), ni baidibla beni unao mwnse gong ficani gwhwa ujikangdwng. Be gong ficani wngtia ma?

Finnai: Gong ficaya Romekou fwrmainai jayw. Makasefra foramorso hwyw je be Antiochus Epiphanes, be sase Seleucidni rajamwn, jaia Jisu Kristoni sigang Palestine hadorkou nwiti jouse bwswni somao sason kalamwmwn, jaia lhudi dhwrwmni hengta swmji hwdwngmwn. Gubunfra, bijwng lwgwise dhwrwm fwsabgirini dwidengrafra, fwtaiwmwn je gong ficaya rajkantiblabw eba dhwrwm kantini mohorao blabw Romekounw fwrmaiwi. Fwi jwng befwrni fwrmanfwrkou nailangdwini:

- A.** “Gole gole bungfinnai arw fehernai”-ni, nabini nemkantikou laywbla, beao Rome-anw gong ficani gwhwkou fwrmaiwi manwna Daniel 2 arw 7 balabfra Rome-kounw dintiw manw hwnwbla Grik Rajjwini unao Rome Rajjw fwidwng. **Daniel 7:24-27** abw fwrman kalamw je Rome-ni dhwrwm kantini unao Jisuni Rajjw fwigwn. Be baidi mohora Daniel 8 ni gong ficajwng tik gwrwb laiwi: Be Grik Rajjwini unao fwigwn arw lswrjwng songhar kalam jagwn – Jisu fwiinnaini somao - “mansini akajjwng nongalabanw biw kwmwrjagwn.”

(Daniel 8:25 kou Daniel 2:34 jwng rujunanwi naidw.)



- B. Daniel 8 ao bungw je Media-Persiafra “geder” jagwn (4 siri), Grik-a “gedersin” jagwn (8 siri), arw gong ficaya “jwbwr gedersin” jagwn (9 siri). Jarimina rwkha kalamtarw je Grikni unao Rome-kou nagar nanwi jebw gubun gwhwa Israel hadorkou saglwb nanwi “jwbwr gedersin” jayakwi.
- C. Nabini bungnai raoa jwrwi bungrwkadwng, bi badinw Rome-a gaoni gwhwkou (Misor) ni kwla, (Macedonia) ni sanja, arw (jwi mwi hador) sim feher langdwng (9 siri). Rome-kou nagar nanwi gubun raobw gwhwa be aidajwng gwrwba.
- D. Rome-lo Jisuni berekaywi gosongdwng, “hanjafwrni hadanggwra” (11 siri) arw “rajafwrnibw Raja” (25 siri). Rajkanti Rome-a Jisukou krusao hwdwng. Be lhudifwrni mwndirkoubw songhar kalamdwng.


Arw Rome-ni dhwrwm kantia swrgwni dhwrwmsalikoubw “narklaidwng” (11 siri) arw “gafledwng” (13 siri) manwna be gwhwa Jisuni gwtar basai naini kamanikou engar nanwi, Bini jaigayao gaoswrnw kalamnw najadwng. Jisua swrgwao jwngni douri geder arw gejerari (1 Timoty 2:5). Natai be gwhwni dhwrwm kantia firtimini douri geder janawanw fapfwrkou kema kalamnw dabi kalamw. Raobw haya natai lswr lo fapfwrkou kema kalamnw hayw (Lukas 5:21).



4

Daniel 8 a jwngnw kintayw je gong ficani gwhwa lswrni gwbang mansifwrkou songhar kalamgwn (10, 24, 25) arw switwkou hayao garflegwn (12 siri). Bese gwbaosim lswrni mansifra arw swrgwni dhwrwmsalia gafle jagwn, swrgwni finnaia ma?

“Ar biw angkou bungfinbai, ‘Hajarnwi joutam dinfwr; bini unao dhwrwmsalikou fwgwmfinnai jagwn” (Daniel 8:14).



Jini adra talagnaya abung jini jwbta adra tanai bahagwi beyw rwkwmsa abung jini gibi bahagwjwng gwtwbw.

Finnaia: Swrgwnifrai finnaikou hwnaia benw je swrgwni dhwrwmsalia 2,300 nabini bungnai dinfwrni unao susrang jagwn, be jabai 2,300 nonggubwi bwsrwfwr. (Gwswoa laki je Baibelni nabibadi bungnai raoao sanse-a bwsrwse-ni bwswnkanti dong. **Esekiel 4:6** arw **Bican Bijap 14:34** fwrao naidw.) Jwngw naikabai je gwdw gwdaini Israelni somao firtimini Gwtar Tambua fwrtar janai dinao susrang jaywmwn. Bi dinao lswrni mansifwrkou Bini mansifwr hwnnanwi rwkhaywi sinainw haywmwn arw biswrni fapfwr lirna dwnnaifra bwkar jaywmwn. Jaifra gaoni fapkou engara biswrw Israelnifrai oraini takwi bwkar jaywmwn. Bi badinw Israelni bongsoa fapnifrai susrang jaywmwn. Beao jwng nunw mwnw je swrgwa Danielkou datinanwi

bungw, fap arw gongfican-ni gwhwa orai som jouga langbai thanai nonga, songsarkou homnanwi dwnbai thanw hanai nonga, arw lswrni mansifwrkou orai somni lagwi nasoibai thanw hanai nonga. Bini ongaywi, 2,300 bwswrni unao lswra swrgwni fwrtar janaini dinao, eba bisarao, jebba fap arw gwsu swlaiyi fapifra Sinai jayw biswrw unao mulugnifrai oraini takwi bwkar jagwn. Bi badinw muluga fapnifrai susrang jagwn. lswrni mansifwrni berekaywi gaswibw gwrwntifra tik kalam jajwbwng, arw gwjwgnai arw Eden barini kousetia arwbao mulugkou abung kalamfingwn.

5

Gabriel dut-a ma gwnangtar aidakou tab tabwi bungbai tadwngmwn?

"Twigra mansi, bini manekou bujidw, be dwrswna songsarni jwpnai somni lagwi dinti jabai ... Nai, rag jwngfru naini unni mugayao ma jagwn, angw nwnwnw bikou mitihwngwn ; manwna jwptargwn dinni fosong kanai somao be bisoifra jafung jwpgwn. ... antai dwrswnkou gaoni gsww isingao dwndw, manwna be dwrswna gwbang dinfrwni unaosw jafungngwn." (Daniel 8:17, 19, 26).

Finnai: Gabriel-a je 2,300 bwswrni dwrswnkou bungnai, be jataia jwbai somao jafungsargwn, arw biw 1798 maitayao jagaijendwng, jaikou jwng Study Guide 15 ao swlwngbai. Arfoa jwngkou buji janw lubwiw je be 2,300 bwswrni nabi badi bungnai raao be firtimini jwbai s omni lagwi hwnai jadwng. Be radabni wngtia be somni lagwi jafungsarw.

Daniel 9 Balabni Gudi Rao

Daniel-a 8 balabni dwrswn nunaini unao, Gabriel dut-a biniao fwinauwi bi dwrswn nunaikou bijirnanwi hwbai. Jebba Gabriel dut-a 2,300 dinni aidayao sofwiw, obla Daniel-a be aidani swmwndwi sannanwi horkabwi gwglwibai arw biw ese somni takai beram jadwngmwn. Bini dehayao bwlw fwifinnanwi biw rajani habafarifwrkou maofindwng natai biw 2,300 dinni dwrswnao makase bujinw hayi aidani swmwndwi baradrai sinta kalamnanwi thabai. Daniel-a gaoni mansifwrni takwi gwrwbjwng aros kalamdwngmwn, jai lhudifra Media-Persiani bondiao dongmwn. Biw gaoni fapfwrkou siman ladwng arw lswrniao Bini mansifwrni fapfwrkou nimaha hwnaini takwi kaolaidwng. Daniel 9 balaba nabini gwrwbjwng gaoni fapfwrkou siman lanai arw lswrniao kaolainaijwng jagaijenw. *Be Study Guide-kou aogai langnaini takwi onnanwi Daniel 9 balabkou forairgwdw.*

6


Jebba Daniel-a aros kalamdwngmwn, obla bikou swr dangkw arw ma radabjwng (Daniel 9:21-23)?

Finnai: Gabriel dut-a bikou dangdwngmwn arw bikou bungdwng je biw Daniel 8 balabni dwrswnni gejeruo thalangnai aidafwrkou bujainw fwidwng. (Daniel 8:26 kou Daniel 9:23 jwng rujudw). Daniel-a aros kalamdwng je binw Gabriel hwnai lswrni radabkou bujinw takwi lswra bikou hefajab kalamgwn.

7

2,300 bwswrni gejerao bese bwswra Daniel-ni mansifwrni, lhudi, arw biswrni rajthaoni Jerusalem nwgwrni takwi "tik kalamnai" (eba hwnai) jagwn (Daniel 9:24)?

Finnai: Lhudifwrni takwi sni kon sniji bwswr "tik kalamnai" jagwn. Be nabini raoao sni kon sniji-a 490 gubwi bwswr jwng soman jayw ($70 \times 7 = 490$). Iswrni mansifra gwkrwinw Media-Persia-ni golamnifrai gonanwi gaoswrni hadorao tangfinsigwn, arw Iswra 2,300 bwswrni gejernifrai biswrnw 490 bwswr hwnai jabai, jen Bini saikojanai mansifra gwsf fafinw arw Bikou sibirw som arw kabukou mwnnw hayw.



8

Ma jatai arw kalar-a 2,300 arw 490 bwswr nabini raokou jagaijenw (Daniel 9:25)?

Finnai: Be jatai arw kalarni Jagaijennaia Persiani Raja Artaxerxes bitwn hwnaijwng jagaijendwng, biw bitwn hwdwngmwn je Iswrni mansifra (jaifra Media-Persiao golam jananwi dongmwn) biswrw Jerusalemao fwifinnw hasigwn arw nwgwrkou lufinnw hasigwn. Bi bitwnkou, **Ezra 7** balabao mwnw, 457 BC ao dwitaihornai jadwng, Artaxerxes-a 464 BC ao raijwkou kungjendwng, bini snini raijwkungnai somao be bitwnkou dihunai jadwngmwn.



Jerusalemkou lufinnaini takwi Raja Artaxerxes-a 457 BC ao bitwn Hwdwngmwn.

9

Arfoa bungdwng je 69 nabini soptafra, eba 483 gubwi bwswrfra (69x7=483), bekou 457 BC jwng sangjabla be Kristoni sim sohwiw (Daniel 9:25). Bidi nama?

Finnai: Nongou! Sankangtiyarini sannaijwng dintiw je 457 BC jwbnaifrai 483 bwswr aogai langwbla AD 27 sim sohwiw. (Gwswao laki: 0 bwswr gwia.) "Messiah" swdwbni wngtia taojwng "obisek" kalamnai (Johon 1:41, rugung). Jisua Gwtar Jiuwng (Tonhorjanai 10:38) Bini baptisma lanaiao obisek kalam jadwng (Lukas 3:21, 22). Bini obisek-a Tiberius Caesar-ni jiba bwswr raijw kungnai somao jadwngmwn (Lukas 3:1), be jabai AD 27 ao. Jisuni swmwndwi 500 bwswrni sigangnw nabini raojwng bunggrw kadwngmwn! Jebia Jisua Gaham Radabkou fwsaojendwng, obla "soma jafungsarbai." Biw nabini raokou rwkha kalambai (Markus 1:14, 15; Galatiari 4:4). Binikainw Jisua gaoni gwtar habafarikou tarwinw 2,300 bwswrni nabini rao badi rwkhaywi maodwng, be bhobisot banikou gwnangtar arw rwkha kalamdwng. Be swmwngwang arw rongjanani fwrman je:



- A. Baibel-a tulunga janaini.
- B. Jisuanw Basaigiri.
- C. 2,300 bwswr/490 bwswr bhobisot banini gubun kalarfrabw rwkha. Be mabadi gwra bitayao lunanggou!

10

Jwng da 490 bwswrni bhobisot banikou 483 bwswrfwrsim sannanwi naibai. Nabini raoao mwense sopta — sni gubwi bwswrfwr — dongbaow (Daniel 9:26, 27). Beni unao ma jayw arw mabla jayw?

Finnai: Jisua "dantar jagwn" eba krusao hwjadwng "soptani gejerao," be jabai bini obisek kalam janaini — eba udang bwtwrni AD 31 nifrai bwswrtam kaose bwswrni unao. Beao nwiwr hw je Gaham Radab-a

Daniel 9:26 siriao nujadwng: "Ar dojinwi haptani unao be obisek kalamjanai mansikou dantarnai jagwn, natai gaoni takwi nonga." Nonga — Iswra baknai jatwng! - Jebia Jisua dantar jadwng, be gaoni takwi nonga. "Biw mungbw fap maoakwi" (1 Petor 2:22) Biw jwngni fapfwrni takwi krusao hwjadwng (1 Korintiari 15:3; Jesaia 53:5). Jisua onnaijwng arw gaoni gwsjwng fapfwrnifrai jwngkou basainw takwi gaoni jiukou hwbai. Hallelujah! Mabadi Basaigiri! **Daniel 8 arw 9** balabfwrni gwrbbanw jadwng fwtar janaini takwi Jisuni buli hwnai.



11

Jisua bwswrtam kaoseni unao twidwng-mwnbla, mabrwi biw **Daniel 9:27 (KJV)** ni maninw gwnang nabini raoao gaswibw jwbtha sni bwswrfwrkou “gwbangjwng suktikou rwkha kalamnw hayw”?



Finnai: Suktia mansifwrkou biswrni papfwrnifrai basainw takwi Bini bwr gwnang raji janai (**Ebraiari 10:16, 17**). Bini bwswrtam kaose gwtar habafari jwbhaini unao, Jisua Gaoni selafwrni gejerjwng suktikou rwkha kalamw (**Ebraiari 2:3**). Biw gibiao lhudi hadorao twnhorgrwyw (**Matai 10:5, 6**) manwna hadorwinw Bini saikojanai mansifwrni takwi gwsf fafinnw 490 bwswrnifrai arwbao bwswrtam kaose som dongbaowmwn.

12

Jebba lhudifwrni takwi hadorwinw 490 bwswrni jwbtha som arw kabua AD 34 ao jwbw, obla selafra ma kalamdwngmwn?

Finnai: Biswrw Gaham Radabkou gubun subungfwrnw arw songsarni hadorfwrnw fwsaojendwngmwn (**Tonhorjanai 13:46**). Stephen, sase dhwrrwmia deacon, - a subungfwrni gejerao AD 34 ao ontaijwng kubwitarjadwng. Be kalarni unao lhudifra lswrni saikojanai mansifwr eba hador nonglia, manwna biswrw kouse jananwi Jisu arw lswrni bitangkikou engarbai. Beni ongaywi, lswra gaswibw hadorfwrnifrai mansifwrkou, jafra bikou najaow arw sibiw biswrkou atmik lhudi sannanwi najaobai. Biswrw Bini saikojanai mansifwr jabai – “somaikira lanaini badi jwlwifwr jabai” (**Galatiari 3:27-29**). Atmik lhudifra, ou be nongou, je jai lhudifra harsingwi Jisukou najaow arw sibiw biswrw atmik lhudiao jafayw (**Romari 2:28, 29**).



*Stephenkou ontaijwng
Kubwitarnaini unao Selafra
gubunari fwrnw Fwsaojenbai.*



2,300 bwswr bhobisot bania AD 34 ni unao bese bwswr thabaokw? Be bhobisot bani ni jwbnaí kalar-a mabla? Bi kalarao ma jagwn hwnnanwi arfoa fwrmaidwng (Daniel 8:14)?

Finnai: 1,810 bwsrfrw dongbaow (2,300 – nifrai 490 garbla = 1,810). Be bhobisot banini jwbnaí kalar-a 1844 (AD 34 + 1,810 = 1844). Arfoa bungdwng je swrgwni dhwrrwmsalia susrang jagwn. – i.e., swrgwni bisara jagaijengwn. (Firtimini dhwrrwmsalia AD 70 ao songhar kalamjadwng.) Study Guide 17 ao jwng swlwndwng swrgwni fwtar janai din-a jwbnaí bwtwni lagwi jagwn. Da jwng mitibai je bi kalar-a 1844. Iswranw be kalarkou fosongdwng. Jwrwi AD 27 ao Jisukou Basaigirini obisek kalamdwng bi badinw be kalar-abw rwkha. Jwbnaí bwtwrao thanai Iswrni mansifra bekou fwsao nangsigou

(**Nujahojanai 14:6, 7**). Be bisarni swmwndwi

Study Guide 19 ao guarwi mitinw nwng rongjagwn.

Nuhuni amwlao, Iswra bungdwngmwn je dwi bana bisara 120 bwsrfrwrao jagwn (**Jagaijennai 6:3**) – arw be jafungsardwng. Danielni dinao, Iswra bungdwng je Bini jwbtha bisara 2,300 bwsrfrwrao jagwn (**Daniel 8:14**) – arw be jadwng! Iswrni jwbtha bisara 1844 nifrai jagasenw dong.



Fwtarjanaini Wngti

English swdwb “atonement” gubwi raoao “at-one-ment” – be jabai, “mwñse janai” eba raji janai. Be gwrwblai naini gwtar swmwndw janai. Gibiao gaswibw mulugaonw abungwi gwrwblaiwñwn. Natai, Lucifar, sase bwlwgra arfoa (jwrwi nwng Study Guide 2 ao rwngbai) Iswr arw Bini swrkarni jenga jujibai. Fantamni fanse arfofra Lucifarjwng daoha nangañao lwgw lafabai (**Nujahojanai 12:3, 4, 7-9**).

Iswrni arw Bini onsula bwswn kantini bereka janaikounw Baibelao (Jesaia 53:6; 1 Johon 3:4) oporat eba fap – bungnai jayw. Be bikha kamnai, gwnwgtwtw, bele beje, duku nangtao jatai, gwsw bainai, duku daha, fwtai kebso, arw gwbang rwkwmni gajri jataifwrkou labwyw. Boini krui gajrisina, fapni fitai, be jabai twinai (**Romari 6:23**) – ortni lwiw (**Nujahojanai 21:8**) beaonifrai tangkangfinnai gwia. Fap-a gwkrwitsarsin gwsarw arw cancerni boini kruiwb gajrisinni krui gilw balu. Be gaswibw mulugkou kwifwtaw kwklwiw.

Beni takwi Iswra Lucifar arw bini arfofwrkou swrgwnifrai hwkhar horbai (Nujahojanai 12:7-9) arw Lucifara gwðan mung mwnbai – “Switan,” bini wngtia “bereka.” Bijwng gwgwlifanai arfofwrkou diabol bungnai jayw. Switana Adom arw Haoakou fuslaidwng arw fap-a gaswibw subung maharini sayao fwibai. Be ma badi duku nangtao gitao batao jatai! Be silingkar kalamgra mwjang arw gajirini gejeraw daohaya firtimiao gwsarbai, arw gajrianw derhanaikou nugasenw dong. Jataia mijing gwiyi badi.



Natai be nonga! Jisu, Iswrni Bica – Gaoni jiukounw buli hwnanwi – gaswibw fapifwrni takwi fapni bitwnkou hwnw raji jabai **(1 Korintiari 5:7)**. Bini buli hwnaikou najao nanwi , fapifra dai arw fapni jinrifwrnifrai udangsri mwnnw hayw **(Romari 3:25)**. Be mwjangtar bitangkiao hangkrai naini gejerjwng Jisua sase mansini gwswoa habnanwi thafwiw **(Nujahojanai 3:20)** arw biw gwdan mansi jayw **(2 Korintiari 5:17)**. Beni gejerjwng Switanni anjartnifrai derhanw hayw arw je Iswrni mohorao mansia daja dwngmw bi mohorao dajafinnw hayw **(Jagajennai 1:26, 27; Romari 8:29)**.

Be bwrgwnang fwtarjanaini dina bekoubw jafungsar hwyw fapkou alada kalam nanwi fwjwbsrangnw – bijwng lwgwse Switan, bijwng gwglwifanai arfofwr, arw gaswibw jaira bijwng hengtani kamaniao lwgw lafagrafra songhar kalam jagwn **(Matai 25:41; Nujahojanai 21:8)**. Beni ongaywibw, Jisu arw Bini onsula swrkar arw Switan arw bini bra bra kalamnai diabolni akua firtimini gaswibw mansifwrnisim fwrmainai jagwn jen gaswibw gianjwng saiko nanwi Jisu eba Switan jwng kouse jafanai **(Matai 24:14; Nujahojanai 14:6, 7)**.

Swrgwni bijirsali kotayao gaswibw mansifra bisar kalam jagwn **(Romari 14:10-12)** arw Iswra sibi naini takwi Jisu eba Switanni gejerao safrwmni saikonaikou man hwgwn **(Nujahojanai 22:11, 12)**. Jwbnaiao, fapkou kwmwrnaini unao, Iswrni bitangkia gwdan

nokrangfwr arw gwdan firtimi swrjifinnw **(2 Petor 3:13; Jesaia 65:17)**, jerao fap-a ujikangfinnai nonglia **(Nahum 1:9)**, arw orai somni lagwi Iswra be firtimikou biswrni noni takwi Gaoni mansifwrnw hwgwn **(Nujahojanai 21:1-5)**. Obla Bifa arw Bicaya gaoswrni mansifwrjwng orabwni lagwi abungwi rongjanaijwng arw gwrwblainanwi thagwn.

Befwr gaswibw “Fwtarjanai Dinao” dongjwbw. Iswra befwr gaswikou Bini Raoni gejerjwng jwngnw fwrmai jwbwng arw Gwjam Rodaini gwtar tambuao hudafwrni gejerjwng rwkhaywi ditudwng – bises kalamnanwi Fwtarjanaini Dinkou. Be fwtarjanaini Din-ao Jisuanw gahai aida. Bini onsula buli hwnaianw gaswikoubw jafungsarhwgra. Bini gejer jwng lo jwngni juao arw gaswibw mulugao fapkou kwmwrnw hagra **(Tonhorjanai 4:12)**. Beni takwi swmw nangnw nanga swrgwni mwntam jwbtha radabfra jwng safrwmkou Iswrkou kulumnw lingdwng **(Nujahojanai 14:6-12)**.

14

Manw makase Baibelni wngti bujaigrafra lhudi hadornw hwnai 490 bwswrfwrni jwbtha sopta (eba sni bwswrfwrkou) alada kalam nanwi firtimini jwbtha jariminao Kristo hengtani kamaniaosw gwrwb hwyw?

Finnai: Fwi jwng fwrmanfwrkou bijirna naifinni:

- A. 490 bwswrni nabini raoni gejerao jebw gubun bisoifwr thanaini tar bungnai eba fwrman gwia. Be bhobisot bania swlibai thanaini, jerao lswrni mansifra 70 bwswrfwr gaoswrni hadornifrai hwkar janai jaikou **Daniel 9:2** ao fwrmainai jadwng.
- B. Sastwrao mablababw onjmani somfra (sanfwr, soptafwr, danfwr, bwswrfwr) swlibai thanaini ongaywi gubun aida kaya. Binikainw, mwnfwrmbw somni bhobisot bani-nifrai makase bahagwkou bwkarnw arw unao sannw haya.
- C. AD 27 (Jisuni baptisma lanai bwswr) –a jwbtha sni bwswr bhobisot bani-ni jagaijennai, jaikou Jisua tabwinw fwsaonaw kwtadwng, “Fosongkanai Som-a sofwibai” (**Markus 1:15**).
- D. Bini twinai somao udang bwtwrni AD 31 ao, Jisua gapjribai, “jajwpbai” (**Johon 19:30**). Beao Basaigiria gaoni twinaini bisoi Daniel 9 balabni nabini raoao bungrwkankaikou dintidwng:

- 1. “Kristoa” “dantar jagwn” (**26 siri**).
- 2. Biw “buli baonai arw caofungnai” kou fwjwbwgn (**27 siri**), lswrni switw Menda fica janawni twigwn (**1 Korintiari 5:7; 15:3**).
- 3. Biw “fap oforat maonaikou fwjwb nanwi gwrwb hwfinnai” (**24 siri**).
- 4. Biw “soptani gejerao” twigwn (**27 siri**).

490 bwswrnifrai jwbtha sni bwswrfwrkou (nabini sopta) alada kalamnw jebw Baibelni jahwn gwia. Be nongou, je 490 bwswr nabini raonifrai alada kalambra gwbang Daniel arw Nujahwjani bijabfao hwnai switw nabini raofwrkou bwke bwka kalamnai jagwn je mansifra tarwi bujinw hanai nonga. Beni krui gajrisina, sni bwswrni langdang bungfurlua mansifwrkou gubun lamating dwiden langasenw dong!



15

Jisuni fwtarjanaini bulikou nwngtangni takwi banainai jadwng. Nwngtanga nwngkou fapnifrai susrang naini takwi nwngni jiuao Bikou hangkraigwn na jen nwngkou gwdan mansi kalamnai jagwn?

Nwngni Finnai:



Nwngni Swnglufwrni Finnaifwr

1. Gong ficani gwhwa mwnnwibw Daniel 7 balab arw Daniel 8 ao nujayw. Befwr eke gwhw nama?

Finnai: Daniel 7 ni gong ficani gwhwa pope-kantikou fwrmaiw. Daniel 8 ni gong ficani gwhwa mwnnwikoubw fwrmaiw Rome-ni mwdai daorai kulumgra arw pope-kanti.

2. (Daniel 8:14) ni “Hajarnwi joutam dinfra” Ebraiari-nifrai rao danslaibla “Hajarnwi joutam mwna bili arw fung bilifwr” jayw. Beni manea 1,150 dinfwr, jayw nama?

Finnai: Nonga. **Jagaijennai 1:5, 8, 13, 19, 23, 31** ao dintiw je mwna bili arw fung bilia sansejwng eke soman. Binifrai, jariminao 1,150 dinfwrni jwbnaiao jebw jatai janaini fwrman gwia jaini gejerjwng be nabini raoa jafungsargwn.


3. Kristian ni jiua saikonaia ma gwnangtar kamani jayw?

Finnai: Jwngni saikonaia gwnangtar kamani jayw. Iswrni lamayao oraibw saikonaini udangsri dong (**Josua 24:15**). Biw safrwmbw mansifwrkou basainw sanblabw (**1 Timoti 2:3, 4**), Biw saikonw takwi udansrikou hwyw (**Huda Bijap 30:19**). Iswra Switan nwbw bereka janaini takwi saikonw hwdwngmw. Biw Adom arw Haoa nwbw maniyni takwi saikonw udangsri hwdwngmw. Dhwrwmiaya mablababw bondi nonga, be nonga je jebw jwrwibw jiu kungblabw be mansia Kristian jablanw swrgwao thanggwn – emonki swrgwao thangnw gwsu jayablabw biw thangtargwn be nonga. Saikonaini udangsri-ni manea nwnw jebw somao nwngni gwsukou swlainw hayw. Jisua gaokou saikonw twndwng (**Matai 11:28-30**) arw rwkha kalamnaini takwi sanfrwmbw bikou saiko nanggou (**Josua 24:15**). Be badi kalambla, Biw nwngni jiukou swlaigwn arw gao badi kalamgwn, arw jwbnaiao biw nwngekou Bini gwdan rajwao langgwn. Natai onnanwi gwsuao laki, nwngha udansri dong je nwngw jebw somao arw jeblaibw gubun lamajwng thangnaini takwi saikonw hagou. Iswra nwngekou bra bra kalamnai nonga. Binikainw, Bikou sabinw takwi sanfrwmbw saikobla rwkha jalangsinw.

4. Gwbang mansifra fwtaiw je Seleucid raja Antiochus Epiphanes anw Daniel 8 ni gong fica gwhw. Be switw nonga hwnnanwi jwng mabrwi rwkha janw hagwn?

Finnai: Gwbang jahwnfwr dong. Beao makasefwr hwnai jabai:

- A. Antiochus Epiphanes a “jwbwrwi bwlwgra” jayakwi, jwrwi nabini raoa fwrmainai jadwng (**Daniel 8:9**).
- B. Biw “unaoni somao” eba Seleucid rajjwni jwbnaiao rajjw kungakwi, jwrwi nabini raoa dabi kalamdwng (**Daniel 8:23**), natai, biw gejer soseasw kalamdwng.
- C. Epiphanes a gong fica hwnnanwi jaira fwrwngw biswrw 2,300 dinfwrkou nabini raoa sansea bwsrse be bwswn antikou engar nanwi nonggubwigou dinfwr hwnnanwi fwrwngw. Biswrni badibla Daniel 8 balabao hwnaia jebw wngti gwnang jaya manwna nonggubwigou soma do bwswrni ese lo bara jayw. Jaira be somfwrro Epiphaneskou gwrwb hwnw najayw biswrw fwimal jajwbwng.
- D. Gong ficaya “jwbnai somsim” taori nanwi thagwn (**Daniel 8:12, 17, 19**), natai Epiphanes a 164 BC aonw twinanwi thangbai.



- E. Gong ficaya kwla, sanja, arw Palestine-ao “jwbwrwi bwlwgra” jagwn (**Daniel 8:9**). Epiphanes-a Palestinekou dose som sason kalam nanwi, Misorao (kwla) arw Macedonia (sanjaha) sason kalamnw hayakwi.
- F. Gong ficaya Iswrni dhwrrwmsalikou gahaiao garfledwng (**Daniel 8:11**). Epiphanes-a Jerusalem mwndirkou songhar kalamakwi. Biw neusidwng, natai Rome-a AD 70 ao songhar kalamdwng. Jwrwi nabini raoa dabi kalamdwng bibadi biw Jerusalemkou songhar kalamakwi (**Daniel 9:26**).
- G. Kristoa **Daniel 9:26 arw 27** ni jwbwr gajriywi mugwi jatao songhar kalamnaikou Epiphanes-ni 167 BC ao jananwi thangkangnaikou bungakwi, natai tabwinw fwigou somkou fwrmaidwng jebla Rome-ni santri hanjafra Jerusalemkou songhar kalamdwng arw be gaoni firini mwndirkou AD 70 ao songhar kalamdwng (**Lukas 21:20-24**). **Matai 24:15**, ao Jisua rwkhaywi Daniel nabi mung lananwi bungdwng je **Daniel 9:26, 27** -a jafungsargwn jebla Kristianfra nugwn (unni somao) je Jerusalem-ao jwbwr mwgwi jataowi songhar kalamgraya “gwtar mwndirao” gosonggwn. Bekou bujinw rwkhatar.
- H. Jisukou gaoswrni Raja arw Basaigiri hwnnanwi Israelfwrni jwbtha engar naini takwi Jerusalem-a songhar kalam janaikou Jisua rwkhaywi fwrmaidwng (**Matai 21:33-45; 23:37, 38; Lukas 19:41-44**). **Daniel 9:26, 27** ni gahai radab-anw Basaigirikou engarnai arw nwgwr arw mwndirkou songhar kalamnaini swmwndw dong. Be radab-a Israelni oraibw Basaigirikou engarbai thanaini fitai – emonki biswrnw Bikou saikonanwi lanaini takwi 490 bwswrfwrkou hwderbaonai jadvngmw. Antiochus Epiphanes, jaia 164 BC ao twinanwi thangbai, Jisu sari janaini gwbaow bwswrni sigang, be nabini raokou bijwng rujuywbla Daniel 8 arw 9 ao boini krui gwnangtar Baibelni bhobisot banikou fwjwbsrangw.

Beyao Nwngtangni Bibngti Eba Swnglupwrkwo liranwi Swngdw



15



16



17



18



19



20



21



22



23



24



25



26



27

Be Study Guide a 27 fariaoni mwnselo!

Mwnfrwmbw aidaya gwmwtao nwnwgoutarfwjwng bungfobna dong bifwrrw nwnwgkou
arw nwngni nokorkou swlaihwgwn arw oraisomni lagwi jwrnaini mijing hwgwn.
Be forainaiao dwidengra mwnfrwmbw bijakkou nagarnw nanga!

Study Guide 15: Kristoni Hengtaya Swr?

Study Guide 16: Nokrangnifrai Arfoni Radabfwr

Study Guide 17: Iswra Bitangkifwrkou Banaidwng

Study Guide 18: Tik Somaonw!

Study Guide 19: Jwbtha Bisar

Study Guide 20: Junarni Hangkw

Study Guide 21: USA a Baibelni Bhoisot Baniao

Study Guide 22: "Gubun" Hinjao

Study Guide 23: Kristoni Hinjao

Study Guide 24: Gwnwkw arw Jadugwrfwrkou Iswra Tulunga hwyw Nama?

Study Guide 25: Iswraia Jwng Bhorsa Kalamw?

Study Guide 26: Onnaia Gwsu Swlaiw

Study Guide 27: Unfinlia

Nwnghanga jwngni sigangni 14 Study Guides-kou nubai na? Nuakwibla, be hwnai tongao lirrhortardw.

Amazing Facts India, Post Box No 51, Banjara Hills, Hyderabad - 500034

Fwrmaiti bilaikwo phwjwbnaini sigang onnanwi be aidakwo phoraiyw. Gaswibw pinnaifwrkow porainai guidao mwnnw hagwn. **Thar pinnaikwo dagi hwdw. (1) ao tanai anjimapwra thar pinnaipwrni onjimakwo dinthiyw.**

Formkwo abung kalamnw takai onnanwi “Adobe Reader” bahaiyo.

1. Daniel 8 ao mendani nerswna (1)

Babil.
Media- Persia.
Grik.
Rome.

2. Daniel 8 ni bwrma fantaya swrkou fwrmaiw? (1)

Misor
Palestine
Grik
Assyria

3. Daniel 8 ni gong ficani gwhwa (1)

Antichus Epiphanes.
Rome-ni musuka kulumgra arw pope-kanti somfwrwao.
Iswrkou fwtaiyi.
Iraq.

4. Gwdw gwdaini Israel-ao Fwtarjanaini dina bisarni dinmwn (1)

Nongou. Nonga.

5. Ihudifwrni takwi 2,300 bwsrwrnifrai bese bwsr hwnai jadwngmwn? (1)

490 bwsrwrwr
700 bwsrwrwr
1,810 bwsrwrwr
100 bwsrwrwr

6. Baibelni bhoisot bani-ni raoao, nabini raoao sanse-a bwsrwe gubwijwng soman jayw. (1)

Nongou. Nonga.

7. (500 bwsrni sigangnw) 2,300 bwsrni nabini raokou bungrw kanai jadwng, je Basaigiria AD 27 ao nujagwn. Biw tik somao nujafwidwng. Be fwrman kalamw je (3)

Baibela tulunga janaini.
Gabriel dut-a bungftwngdwn.
Nabini raoao gubun kalarfrabw tik jwb.
Jisuanw Basaigiri.

8. Ihudi hadornw 490 bwsrwrwrkou hwnaia AD 34 ao jwbaini unao, selaфра ma kalamkw? (1)

Bisrrw gubun hadorni mansifwrnw fwsaajendwng.
Bisrrw jirainaini takwi gwbaosom ladwng.
Bisrrw hwnbai AD 34 nifrai raobw Ihudifra basai janai nonglia.

9. Daniel 8 balab arw 9 ni 2,300 bwsr nabini raoni badibla, 1844 ao ma jadwng? (1)

Swrgwao bisara jagaijenbai.
Ihudi hadorni takwi doyani hablanga fangte jabai.
Jisua swrgwao gakwlangbai.
Iswra gaswibw mansifwrni takwi doyani hablangkou fangtenanwi hwbai.

10. Swrgwni fwtarjanaini Dina, eba “mwnseonw raji janaia,” gaswibw mulugfwrkou abungwi Iswrjwng gwrwbhwlainai. Beni swmwndwi mobe batraфра switw befwrkou gahaiao nailangdw? (10)

Jwngni twinaini bitwnkou Jisua gaoni jiuokou buli hwnanwi baikobai.
Jisua jwngnw fapni dainifrai udangsri hwbai.
Jisua jwngkou swlai nanwi furaywi gwdan kalamw.
Jisua jwngni mohorkou Iswrni mohorao dafinnw.
Swrgwni bisarsaliao, sabinw takwi Jisu eba Switanni gejeraw jwng safrwmni saikonaikou Iswra man hwyw.

Be firtimini gaswibw mansifwrnisim fura radab-a sohwigwn, je Switanni bitangkia songhar kalamnw arw lswrni bitangkia basainw.

Fap, Switan, arw fapifra alada kalamnanwi fwjwbsrang jagwn.

lswra Gaoni mansifwrni takwi gwdan nokrangfwr arw gwdan firtimi swrijgwn arw biswrjwng thafagwn.

Fap-a arwbao ujikangfinnai nonglia.

lswrjwng gwrwblainaia Kalvariao Jisuni buli hwnai jwngsw jafungsardwng.

Switan arw bini lengfra gwsf fafinnanwi basai jagwn.

- 11. lhudi hadornw hwnai 490 bwsrfrwrnifrai jwbtha sopta - sni bwsrfrwrkou alada kalam nanwi firtimini jwbtha jariminao Kristo hengtani kamaniasw gwrwb hwnaia Baibelao jebw jahwn gwia. (1)**

Nongou.

Nonga.

- 12. AD 34 ao, (3)**

lswrjwng saikojanai hador hwnnanwi lhudi hadorni doyani dor-a fangte jabai.

Selafra gubun hadorfwrni mansifwrnw fwsaojenbai.

Stephen, dhwrwmia deacon-a kubwi tarjabai.

Swrgwao bisara jagaijenbai.

- 13. 2,300 bwsrni soma jagaijennai (1)**

AD 34.

1944.

1491 BC.

457 BC.

- 14. Daniel arw Nujahwjanai-ni nabini raoa bises kalamnanwi jwngni takwi arw jwngni somni takwi hwnai jadwng. (1)**

Nongou.

Nonga.

- 15. Angw Kristoni fwtargra bulikou angni jiuaa najaobai arw angkou fapnifrai susrangnw Bikou hangkraibai.**

Nongou.

Nonga.

Arw gaswibw swnglupwrni pinnaikwo hwnw ti kalam!



Mung tisonnw takai nwngtangni mung, email arw janbung nomborkwo hw. Nwngtangni unni guidewrkw mwnnw takai "Sabmit" ao click kalam

Nwngni mung :				
Nwngtangni Email :				
Janbung nambar :				
Nwngtangni tong :				
Nwgwr, Jilla :	Raijw :		Hadwr :	
Pin :	Bwisw takw :		Atwn :	

Nwngtangni fwnangjab
fwrmaikwo update kalam: